

Na osnovu člana 69. Stav (3) Zakona o javnim nabavkama ("Službeni glasnik BiH" br. 39/14 i 59/22) i člana 31. Pravilnika o javnim nabavkama roba, usluga i radova Javne ustanove "Collegium artisticum" br. 02-122-2/24 od 26.02.2024. godine, direktor donosi

ODLUKU
o otkazivanju postupka javne nabavke

Član 1.

Otkazuje se postupak javne nabavke za: Građevinski radovi na sanaciji hidroizolacije (Plato-galerije Collegium artisticum), provedenog putem otvorenog postupka, objavljenog na Portalu javnih nabavki BiH broj obavještenja: 29045-1-3-15-3-1/24 od 25.03.2024. godine iz razloga nedobivanja potrebnih saglasnosti za izvođenjem radova od strane nadležnih organa i KJP Centar „Skenderija“.

Član 2.

Shodno članu 70. stav 6. Zakona o javnim nabavkama BiH, Odluka se objavljuje na web stranici galerije Collegium artisticum, kao i Portalu javnih nabavki BiH.

Član 3.

Ova odluka stupa na snagu danom donošenja.

Obrazloženje

Ugovorni organ je u postupku javnog nadmetanja putem otvorenog postupka objavljenog na Portalu javnih nabavki, objavio postupak nabavke Građevinski radovi na sanaciji hidroizolacije (Plato-galerije Collegium artisticum), provedenog putem otvorenog postupka, objavljenog na Portalu javnih nabavki BiH broj obavještenja: 29045-1-3-15-3-1/24 od 25.03.2024. godine.

Do datuma predviđenog za dostavljanje ponuda, svoje ponude su dostavila dva ponuđača i to:

1. BAHEN GRADNJA d.o.o. Sarajevo
2. MIBRAL d.o.o. Sarajevo

Komisija je konstatovala da oba ponuđača ispunjavaju sve uslove iz tenderske dokumentacije, ali da se postupak treba otkazati iz dole navedenih razloga.

Naime, postupak javne nabavke je pokrenut imajući uvidu da će se potrebne saglasnosti za izvođenje radova ishodovati u toku postupka javne nabavke. Međutim, na zahtjev galerije JU "Collegium artisticum" za izdavanje potrebne saglasnosti za izvođenje radova od 15.03.2024. godine, dopisom Općine Centar broj OT-79-1486/24 od 29.03.2024. godine, obavješteni smo da obzirom na upis u zemljišno-knjižnom izvatku br. zk.ul. 88 Sarajevo CXXIX da bi se izdalo odobrenje za tekuće održavanje platoa iznad galerije JU "Collegium artisticum", potrebno je da u roku od 7 dana od dana prijema obavijesti dostavimo ovjerenu saglasnost Centra Skenderija P.O.Sarajevo za izvođenje predmetnih radova, te da će se u suprotnom naš zahtjev razmatrati prema stanju u spisu predmeta.

S tim u vezi, galerija JU "Collegium artisticum" se obratila Centru Skenderija za dobivanje potrebne saglasnosti. Na sastanku održanom 08.04. i 16.04. 2024. godine u kancelarijama JU "Collegium artisticum", na

kojem su prisustvovali predstavnici ispred KJP Centar „Skenderija“ dogovoreni su uslovi koji zadovoljavaju obostranu potrebu sanacije prostora na platou Skenderija.

Međutim, od tog dogovora do danas nije potpisana saglasnost od strane KJP Centar „Skenderija“.

S tim u vezi, Komisija je dala preporuku ugovornom organu da se postupak otkaže zbog trenutne neizvjesnosti dobivanja potrebnih saglasnosti za izvođenje radova u skladu sa članom 69. stav (3) Zakona o javnim nabavkama BiH, kako se potencijalni ponuđači ne bi dovodili u nezgodan položaj pri planiranju svojih aktivnosti u vrijeme građevinske sezone, a da se postupak javne nabavke ponovi onda kada bude izvjesno da će se ishodovati potrebne saglasnosti.

Shodno navedenom odlučeno je kao u dispozitivu ove odluke.

Pouka o pravnom lijeku:

Protiv ove odluke može se uložiti žalba u roku od 10 (deset) dana od dana prijema iste u skladu sa članom 101. Zakona o javnim nabavkama BiH. Žalba se podnosi neposredno na adresu ugovornog organa: JU "Collegium artisticum Sarajevo", ul. Terezije bb, 71 000 Sarajevo, u najmanje 3 (tri) primjerka.

Dostaviti:

- Web stranica
- a/a

